



Na osnovu člana 5. Pravilnika o utvrđivanju uslova, kriterija i postupaka za ostvarivanje prava na subvencioniranje i dodjelu poljoprivredne mehanizacije i/ili pumpi za navodnjavanje na području općine Hadžići u cilju osnaživanja korisnika pogođenih korona-virus pandemijom na području Općine Hadžići, Broj: 04-20-2-5119/2020 od 02.07.2020. godine Općina Hadžići raspisuje:

JAVNI POZIV
za predaju zahtjeva za dodjelu poljoprivredne mehanizacije sa dodatnom opremom i/ili
pumpi za navodnjavanje putem sufinansiranja

I PRAVO UČEŠĆA

Pravo na učešće u Projektu za dodjelu poljoprivredne mehanizacije sa dodatnom opremom i/ili pumpi za navodnjavanje putem sufinansiranja imaju fizička lica sa prebivalištem na području Općine Hadžići, koje posjeduju vlastito poljoprivredno zemljište ili njihovi uži članovi porodice, a posebno prioritete kategorije stanovništva - nezaposlene osobe koje su otpuštene od strane poslodavca kojem je bila zabranjena djelatnost od strane nadležnih organa ili su otpuštene od strane poslodavca čije je poslovanje bilo ugroženo u toku trajanja pandemije izazvane koronavirusom (COVID-19).

Pravo na dodjelu poljoprivredne mehanizacije i/ili pumpi za navodnjavanje ne mogu ostvariti lica koja su u ranijem periodu od tri godine ostvarila pravo na donaciju, dodjelu, ili sufinansiranje nabavke poljoprivredne mehanizacije (traktor, motokultivator, motokopačica) i/ili pumpi za navodnjavanje, od općine, ministarstava, humanitarnih i drugih institucija.

II USLOVI ZA DODJELU POLJOPRIVREDNE MEHANIZACIJE I/ILI PUMPI ZA NAVODNJAVANJE

Podnosilac zahtjeva treba da ispunjava sljedeće uslove:

1. Da podnosilac zahtjeva ima prebivalište na području Općine Hadžići.
2. Da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za poljoprivrednu proizvodnju u mjestu prebivališta.
3. Da sufinansira 20 % od nabavne cijene poljoprivredne mehanizacije i/ili pumpi za navodnjavanje sa pratećom opremom,

Putem Službe za privredu, finansije i inspekcijski nadzor će Općinski načelnik imenovati Komisiju za dodjelu poljoprivredne mehanizacije i/ili pumpi za navodnjavanje koja će biti zadužena za provođenje aktivnosti vezanih za realizaciju Projekta.

III KRITERIJI ZA DODJELU POLJOPRIVREDNE MEHANIZACIJE I/ILI PUMPI ZA NAVODNJAVANJE

- a) pogodnost zemljišta za poljoprivrednu proizvodnju:
(utvrđuje Komisija za dodjelu poljoprivredne mehanizacije i pumpi za navodnjavanje na licu mjesta)
- b) dodatni bodovi po osnovu pripadnosti kategoriji:
- podnosilac zahtjeva nezaposlen (vrijeme provedeno na birou za zapošljavanje)
 - punoljetni član domaćinstva nezaposlen
 - izdržavani član domaćinstva nezaposlen
 - podnosilac zahtjeva - mlada osoba životne starosti do 35 godina
 - podnosilac zahtjeva samohrani roditelj
- c) socijalni aspekt,
- d) porodica šehida, porodica poginulih, umrlih ili nestalih branitelja,
- e) podnosilac zahtjeva ima priznat status RVI,
- f) podnosilac zahtjeva je bio pripadnik OS BiH,
- g) podnosilac zahtjeva ima priznat status povratnika, raseljenog lica, logoraša,
- h) podnosilac zahtjeva otpušten od strane poslodavca kojem je bila zabranjena djelatnost od strane nadležnih organa ili je otpušten od strane poslodavca čije je poslovanje bilo ugroženo u toku trajanja pandemije izazvane koronavirusom (COVID-19)

Komisija će službenim putem od strane nadležne službe za upravu Općine Hadžići zatražiti podatke za kandidate da li su članovi porodičnog domaćinstva korisnici prava po osnovu boračko-invalidske zaštite, zaštite civilnih žrtava rata, imaju priznat status raseljenog lica ili su povratnici.

Kada kandidati pri bodovanju imaju isti broj bodova, prednost će imati kandidati sa manjim prosjekom primanja.

IV POTREBNA DOKUMENTACIJA

Uz zahtjev za dodjelu poljoprivredne mehanizacije i/ili pumpi za navodnjavanje potrebno je priložiti dokaze o ispunjavanju uslova iz Javnog poziva i druge dokaze i to: original ili ovjerene fotokopije dokumenata, koji ne mogu biti stariji od 6 mjeseci:

1. Obrazac za prijavu na Javni poziv,
2. CIPS prijavnica podnosioca zahtjeva – original ili ovjerena kopija,
3. Ovjerena kopija lične karte,
4. Ovjerena kućna lista,
5. Dokaz o nezaposlenosti kandidata izdat od Biroa za zapošljavanje ili potvrda da osoba nije

poreski obveznik,

6. Dokaz da je podnositelj zahtjeva otpušten od strane poslodavca kojem je bila zabranjena djelatnost od strane nadležnih organa ili je otpušten od strane poslodavca čije je poslovanje bilo ugroženo u toku trajanja pandemije izazvane koronavirusom (COVID-19),

7. Dokaz o nezaposlenosti svih punoljetnih članova porodice izdat od Biroa za zapošljavanje,

8. Potvrde iz škole/fakulteta za djecu/izdržavane članove domaćinstva,

9. Potvrda o visini primanja zaposlenih članova domaćinstva,

10. Potvrda o vlasništvu ili posjedu nad parcelom (kopija ZK izvodka ili Posjedovnog lista),

11. Ovjerena izjava da će korisnik podsticaja dobijenu poljoprivrednu mehanizaciju i/ili pumpu za navodnjavanje zadržati u vlasništvu najmanje 3 godine od potpisivanja Ugovora,

12. Ovjerena izjava da podnositelj zahtjeva u posljednjih 3 godine nije ostvario pravo na donaciju, dodjelu ili sufinansiranje nabavke poljoprivredne mehanizacije (traktor, motokultivator, motokopačica) i/ili pumpi za navodnjavanje od općine, ministarstva, humanitarnih i drugih organizacija,

13. Ovjerena izjava da će sufinansirati 20% od nabavne cijene poljoprivredne mehanizacije i/ili pumpi za navodnjavanje sa pratećom opremom,

14. Dokaz da je samohrani roditelj (potvrda od socijalne službe, dokument o razvodu, smrtni list supružnika).

R/br	Vrsta mehanizacije/pumpi	Količina	Iznos 20% nabavne vrijednosti
1.	Motokultivator I Motor dizel, snaga 10 KS, mjenjač 6 brzina (freza, plug brazdač, plug za vađenje krompira)	10	1.109,27 KM
2.	Motokultivator II Motor dizel, snaga 7 KS, mjenjač 4 brzine (freza, plug brazdač, plug za vađenje krompira)	15	891,94 KM
3.	Motokopačica Motor dizel, 7 KS, mjenjač 3 brzine (plug brazdač, vadicica krompira)	20	546,45 KM
4.	Pumpa za navodnjavanje dizel, 5 KS sa 8m usisnog i 15 m odvodnog crijeva	5	173,27 KM
5.	Pumpa za navodnjavanje dizel, 7 KS sa 8m usisnog i 15 m odvodnog crijeva	2	182,18 KM

V PROCEDURA ODABIRA KORISNIKA

Proceduru vrednovanja i utvrđivanja rang liste, izvršiće Komisija na osnovu Pravilnika o utvrđivanju uslova, kriterija i postupaka za ostvarivanje prava na subvencioniranje i dodjelu poljoprivredne mehanizacije i/ili pumpi za navodnjavanje na području općine Hadžići, koju imenuje Općinski načelnik.

NAPOMENA:

Obrasci zahtjeva se mogu podići na info-pultu Općine Hadžići i zajedno sa dokumentacijom predaje u zatvorenoj koverti na protokol Općine Hadžići sa naznakom „Za javni poziv za dodjelu poljoprivredne mehanizacije sa dodatnom opremom i/ili pumpi za navodnjavanje“.

Sve dodatne informacije mogu se dobiti u Službi za privredu, finansije i inspeksijski nadzor soba broj 204.

Javni poziv ostaje otvoren 10. dana od dana objavljivanja, odnosno zaključno sa 13.07.2020. godine do 16:00 sati. Nepotpune i neblagovremene prijave se neće uzeti u razmatranje.

Dostavljeno:

1. Kabinet načelnika- web stranice: www.hadzici.ba
2. Oglasna ploča Općine Hadžići
3. Sekretari MZ 3X
4. a/a

OPĆINSKI NAČELNIK

Hamdo Ejubović, dipl.ing.maš.